

si tales aduertunt in fecundissimo etiam cetu naturæ: & seminario: semper tamen celo influente: serpentes & uenena nasci: & pestilentias ordinatas esse & decretas: neque naturæ iniuria facta. Quis ita impudens: dicere ut audeat deum ista ordinatam: & naturam producētem mala & pexima ordinasse: uel produxisse? celestis enim necessitas ita est ordini naturæ alligata: ut dñum deo summo relinquat. Quis dubitat deum posse alterationes omnes & motus corporum celestium & permutare: & impedire: & tamen necessaria & immutabilia naturali ordine esse dicuntur: & a dei iussu non arbitrio proprio ista decernere & complere: & tamen deo nihil indignum attribuitur. itaque si quis normam sermonis recte accipiat: dicat mathematicos recte loqui: & quod in siderum positione reperiunt ut debent pronuntiare: itellæ enim faciunt homines sceleratos & interfectores naturaliter: sicut & serpentes & necantia uenena terrestria & aerea in mediis aliis causis inferioribus producant: a quibus homo precauere: si ab eis concessum sit precauere potest: ita certe si recte quis interpretaretur: naturalia omnia fiunt: & producuntur: ut non nisi a libera uoluntate possint immutari: uel impediri: non enim dicunt mars homicidam facit: quia illi gladium Mars imponat: sicut nec interpretatur uidit deus cuncta quæ fecerat: quod deus faber fuerit: sed ita: mars celestis uirtute dotatus a creatore æterno accendit homines in iram uel concupiscentiam motu naturalium quæ a superioribus gubernantur nutu dei a quo etiam liberum arbitrium regitur: ut possit si uelit reparanda uel uitanda uitare. F. Satis huic responsum iudico. Sed aliud est de quo quid sit nihil unquam dicere potuerunt mathematici: ut asserit contradicens: uidelicet cur in uita geminorum in actionibus & euentis in professionibus artibus honoribus cæterisque rebus ad humanam uitam pertinentibus atque in ipsa morte sit plerumque tanta diuersitas: ut similiores sint quantum ad hec attinet multi extranei: quam ipsi inter se gemini: pro exiguo temporis interuallo in nascendo separationem conceptu autem per unum concubitum uno etiam momento seminati. Astro. Hoc si recte concludes corroborabit astrorum scientiam: ut dixi. profecto contradicens non au